

SCRIPT OF MORNING GOJRI NEWS BULLETIN 23DEC 2025 1015HRS

مارننگ گوجری نیوز بولٹن 23 دسمبر 2025

یوہ آکاشوانی جموں ہے محبوب سلطانن تیں خبر سنو۔

CM SAMNVAY

وزیر اعلیٰ عمر عبداللہ نے پچھلے تہارے اک کافی ٹیل کتاب سمنوے جاری کی جس مانہ جموں کشمیر مانہ جدید یاتی تبدیلی تے بیساگ این غے ذریعے چلایا گیا اہم ٹیکنالوجی گا منصوباں مانہ اُجاگر کیو گیو ہے اس موقعہ ور بولتا مانہ وزیر اعلیٰ نے بیساگ این غی طرفوں خطہ مانہ حکمرانی گی دقتاں بارے عملی حل فراہم کرن بارے تعریف کی اُنہاں نے کہیو جے جموں کشمیر گا جغرافیائی تے آب ہوا غے پیش نظر جدید یاتی نہایت ضروری ہے تانجے دور دراز تے شہری علاقاں مانہ برابر عوامی خدمات گی فراہمی مانہ یقینی بنایو جاسکے جناب عمر عبداللہ نے سمنوے مانہ کامیاب اشتراک گی اک جھلک قرار دیتا واں کہیو جے ٹیکنالوجی ور مبنی قدم سنگ انتظامی کارکردگی مانہ بہتری آوے گی۔ اُنہاں نے اس گل غی اُمید ظاہر کی جے یا کتاب مستقبل غی جدید یاتی کامیابیاں گا مزید دستاویز غی حوصلہ افزائی کرے گی۔

Dy CM DELEGATIONS

نائب وزیر اعلیٰ سریندر چودھری نے پچھلے تہارے سیول سیکرٹریٹ جموں مانہ بکھ بکھ عوامی وفود سنگ ملاقات کی ہے اُنہاں نے عوامی شکایت گا تاولے حل تے پورا جموں کشمیر مانہ خدمات غی فراہمی ور زور پایو ہے اس ضمن مانہ بکھ بکھ ضلعان توں آیا وفود سنگ گل بات کرتا واں اُنہاں نے اس غی یقین دہانی کروائی جے ان گا معملان مانہ تاولے حل کیو جے غو نائب وزیر اعلیٰ نے افسران مانہ ہدایت جاری کرتا واں کہیو جے عوامی مسائل مانہ ترجیحی بُنیاد ور حل کیو جے تے اس وفود مانہ طالب علم ملازمت گا خواہشمند ابھرتاواں کاروباری افراد کاروباری ایسو سیشن گا نمائندہ سیول سوسائٹی تنظیم تے یوٹی گا دوجہ افراد شامل تھا۔

DAR KVKS

کھیتی باڑی بارے وزیر جاوید احمد ڈار نے پچھلے تہارے آئی کار اٹاری زون پھل گ اکرشی وگیان کیندراں غی ترا تہارے ور مشتمل سالانہ زونل ور کشاپ مانہ سکاسٹ جموں مانہ شروع کیو ہے اس ور کشاپ مانہ شمالی بھارت گا تمام شراکت دار شامل ہو رہیا ہیں تانجے کارکردگی گو جائیزو لیو جاسکے تے کسانان متعلق خدمات واسطے مستقبل غی حکمت عملی تیار کی جاسکے وزیر موصوف نے زمینی سطح ور کرشی وگیان کیندراں گا کردار مانہ سہرايو تے موسمیاتی تبدیلیاں توں زرعی کاروبار تے دیگر ور زور پایو اس موقعہ ور آئی کار سکاسٹ جموں تے اٹاری گا اعلیٰ افسر نے جموں کشمیر مانہ پائیدار زرعی ترقی واسطے تحقیق تے توسیع کرن گا سانجہ رابطہ غی اہمیت مانہ اُجاگر کیو۔

RANA ENVIRONMENT

جنگلات ماحولیات تے ماحولیاتی تحفظ گا وزیر جاوید احمد رانا نے اس گل ور زور پاتا مانہ کہیو ہے جے ماحولیات گو تحفظ مہاری سانجی ذمہ داری ہے تے آن آلی نشلاں واسطے قدرتی وسائل گا تحفظ غی خاطر اجتماعی کوششاں غی ضرورت ہے اُنہاں نے اس گل غو اظہار گروپ آف کنسرنڈ سیٹیزن گا وفود جس غی قیادت اس گا چئیرمین خورشید احمد گنائی کرریا تھا سنگ ملاقات گے دوران کیو اس ضمن مانہ وفود غی طرفوں ماحولیاتی نظام نانہ بگاڑن گا معملان نانہ آجاگر کیو گیو تے سخت حفاظتی قدم چان بارے کیو وزیر موصوف نے حکومت سول سوسائٹی تے مقامی برادریاں غی سانجی کوششاں ور زور پیو تانجے ماحول گا تحفظ بگاڑ غی روک تھام تے جموں کشمیر مانہ پائیدار ترقی نانہ یقینی بنایو جاسکے۔

AP ESPIONAGE

اروناچل پردیش پولیس نے جاسوسی گی اک تفتیش مانہ 5 افراد نانہ گرفتار کیو ہے جن بچو 2 غو تعلق کپواڑہ توں ہے جد کہ ترا اِٹانگر گا رہن آلا ہیں۔ یاہ کاروائی پاکستان سنگ رابطہ گا شبہ مانہ کی گئی ہے اس سلسلہ مانہ قانون تے امن بارے پولیس گا انسپکٹر جنرل چوکو آیا نے کہیو ہے پہلی گرفتاری 21 نومبر نانہ نظیر احمد ملک جہڑو کہ کپواڑہ جموں کشمیر توں تعلق رکھے غا طور ور کی گئی تھی جد کہ 4 دوجا افراد نانہ تفتیش غے دوران ملی جانکاری گی بُنیاد ور گرفتار کیو گیو ہے ان ور الزام ہے جے یہ حساس جانکاری دشمن ملک سنگ سانجی کرریا تھا اس ضمن مانہ تفتیش بشمول فارنسک تجزیو جاری ہے۔

PROG ANN

علاقائی خیراں آلو شعبو آکاشوانی جموں قومی کسان تہاڑہ 2 ہزار 25 گا موقعہ ور 25 منٹاں گو اک خصوصی پروگرام نشر کرے غو اس خصوصی نشریات گو موضوع قوم نانہ ان فراہم کرن آلا ہتھاں نانہ سلام پیش کرنو رکھیو گیو ہے یوہ پروگرام آج یعنی 23 دسمبر نانہ دوپہر 12 بجے نشر کیو ہے غو جس مانہ مہارا مہمان جموں کشمیر انتظامی خدمات توں تعلق رکھن آلا تے کھیتی باڑی پیداوار تے خاندانی بہبود محکمہ گا جوائنٹ ڈائریکٹر سنجے آند ہور وے گا جہڑا اس موضوع ور اپنا ماہرانہ خیالات سانجہ کریں گا اس پروگرام گی میزبانی مہارا میزبان وجے بجاج کریں غا۔

WEATHER

محکمہ موسمیات تے جموں کشمیر مانہ تازہ موسمی صورتحال بارے جانکاری دیتا واں دسیو ہے جے آن آلا سات تہاڑاں اندر جموں صوبہ گا میدانی علاقان مانہ درمیانوں درجہ توں گئی تھند ہوسکے جد کہ 29 دسمبر توڑی چڑھ رہن تے 30 دسمبر توں 1 جنوری توڑی میدانی علاقان مانہ بارش ہون تے اُچیراں علاقان مانہ ہلکی برف باری غی پیش گوئی کی گئی ہے۔
